

BOSNA I HERCEGOVINA  
Federacija Bosne i Hercegovine  
TUZLANSKI KANTON

**Kantonalni štab civilne zaštite**

Broj: 02/24-44-001536-2/18

Tuzla; 25.01.2018. godine.

Na osnovu člana 22. Poslovnika o radu Kantonalnog štaba civilne zaštite, br. 02/24-44-05-7574-2/15 od 25.03.2015. godine, br. 02/24-44-05-11099-4/15 od 03.06.2015. godine i br. 02/24-44-05-020137-5/16 od 27.06.2016. godine, Kantonalni štab civilne zaštite, na sjednici održanoj dana 25.01.2018. godine, u s v a j a

## **IZVJEŠTAJ O RADU**

### **Kantonalnog štaba civilne zaštite za 2017. godinu**

#### **I UVODNI DIO**

Kantonalni štab civilne zaštite (u daljem tekstu: Kantonalni štab) osnovan je u skladu sa Odlukom o osnivanju Kantonalnog štaba civilne zaštite („Službene novine TK“, broj: 06/14, 9/14, 12/15 i 9/17), sa pravima i obavezama rukovođenja akcijama zaštite i spašavanja na teritoriji Tuzlanskog kantona, te za obavljanje drugih poslova u zaštiti i spašavanju, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj: 39/03, 22/06 i 43/10) i Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK“, broj: 10/08 i 8/15) i drugim propisima vezanim za njegovu nadležnost. Sastav Kantonalnog štaba utvrđen je Rješenjem o postavljenju komandanta, načelnika i članova Kantonalnog štaba civilne zaštite, („Službene novine Tuzlanskog kantona“, broj: 4/15, 12/15, 1/16, 13/16 i 13/17).

Kantonalni štab obavlja poslove iz svoje nadležnosti samostalno i za svoj rad je odgovoran Vladi Tuzlanskog kantona.

Kantonalni štab funkcioniра stalno kada Vlada Tuzlanskog kantona proglasi nastanak prirodne ili druge nesreće na području Tuzlanskog kantona (u daljem tekstu: TK), tako što izravno rukovodi akcijama zaštite i spašavanja ljudi i materijalnih dobara, pa do momenta kada Vlada proglasi prestanak takvog stanja ili odluči da Kantonalni štab funkcioniра dok se ne izvrši saniranje nastalih posljedica i stvore uvjeti za normalan život i rad ljudi na ugroženom području.

Kantonalni štab funkcioniра povremeno i prema potrebi, a naročito kada:

- razmatra stanje priprema, organiziranost, opremljenost i osposobljenost za zaštitu i spašavanje svih nositelja zaštite i spašavanja na području TK,
- predlaže mjere za dogradnju sistema zaštite i spašavanja,
- djeluje preventivno u cilju sprečavanja nastanka prirodne ili druge nesreće,
- učestvuje u vježbama i drugim vidovima obučavanja i osposobljavanja,
- obavlja i druge poslove utvrđene zakonom i drugim propisima.

Kantonalni štab, u slučaju nesreće, pruža pomoć općinama i drugim kantonima, na poziv njihovih štabova civilne zaštite i Federalne uprave civilne zaštite, sukladno zakonu.

Saglasno Odluci o osnivanju Kantonalnog štaba, Kantonalna uprava civilne zaštite obavlja stručne, administrativne, tehničke i druge poslove, neophodne za njegov rad.

## II AKTIVNOSTI

U izvještajnom periodu održano je 9 (devet) redovnih i 2 (dvije) vanredne sjednice Kantonalnog štaba, te nekoliko radno konsultativnih sastanaka komandanta i načelnika Kantonalnog štaba, na kojima su razmatrana pitanja iz njihove nadležnosti.

Na 11 (jedanaest) ukupno održanih sjednica Kantonalnog štaba, razmatran je veliki broj pitanja koja su obrađena kroz realizaciju dnevnog reda:

- Izvještaj o radu Kantonalnog štaba civilne zaštite u 2016. godini;
- Plan rada Kantonalnog štaba civilne zaštite za 2017. godinu;
- Razmatranje i davanje mišljenja na Plan korištenja sredstava posebne naknade za zaštitu od prirodnih i drugih nesreća u 2017. godini;
- Donošenje Zaključaka u vezi prekomjernog zagađenja zraka na području Tuzlanskog kantona i poduzimanje odgovarajućih mjera;
- Izvještaj o korištenju sredstava Posebne naknade za zaštitu od prirodnih i drugih nesreća u 2016. godini;
- Informacija o učestvovanju članova Kantonalnog štaba u Komandno-štabnoj vježbi zajedno sa pripadnicima 77. brigade vojske Velike Britanije, koja je održana potkraj mjeseca februara;
- Prijedlog za dodjelu priznanja civilne zaštite u 2017. godini;
- Razmatranje zahtjeva za pomoć općini Doboj Istok za otklanjanje posljedica prirodne nesreće izazvane poplavama i klizištima;
- Donošenje Zaključka upućenog Agenciji za vodno područje rijeke Save, o hitnoj regulaciji dijela rijeke Spreče ispod HA „Modrac”, čime će se uveliko umanjiti opasnost od poplava;
- Razmatranje zahtjeva za pomoć i donošenje Odluke o dodjeli jednokratne novčane pomoći za hitne intervencije općini Kladanj, za otklanjanje posljedica prirodne nesreće, izazvane visokim sniježnim padavinama i niskim temperaturama;
- Donošenje Odluka o odobravanju sredstava za nabavku komunikacijske opreme za potrebe Kantonalnog štaba i Kantonalnog operativnog centra civilne zaštite, usluge izrade projektne dokumentacije „Sistem uzbunjivanja i obavještanja stanovništva“, terenskog motornog vozila, softvera za geografsko-informacioni sistem (GIS) i nabavka uniformi civilne zaštite za potrebe Kantonalnog štaba i Kantonalnog operativnog centra civilne zaštite;
- Razmatranje Izmjena i dopuna Plana korištenja sredstava Posebne naknade za zaštitu od prirodnih i drugih nesreća u 2017. godini;
- Donošenje Odluke o odobravanju sredstava za nabavku opreme i tehničkih sredstava za potrebe službi zaštite i spašavanja TK (Gorske službe spašavanja TK i Službe za spašavanje na vodi i pod vodom TK);
- Donošenje Odluke o dodjeli novčane pomoći Crvenom križu Tuzlanskog kantona za pripremu i učešće u NATO EADRCC vježbi „Bosna i Hercegovina 2017.“;
- Razmatranje Prijedloga i donošenje Odluke o dodjeli jednokratne novčane pomoći općini Kladanj za otklanjanje posljedica prirodne nesreće izazvane visokim snijegom i niskim temperaturama;
- Razmatranje i prihvatanje Elaborata NATO EADRCC vježbe otklanjanja posljedica katastrofa „Bosna i Hercegovina 2017“, te donošenje naredbi o učešću nacionalnih timova zaštite i spašavanja u pomenutoj vježbi;
- Razmatranje zahtjeva i odobravanje finansijskih sredstava za pokrivanje troškova pripreme i učešća u NATO EADRCC vježbi službi zaštite i spašavanja TK (Gorske službe spašavanja TK i Službe za spašavanje na vodi i pod vodom TK);

- Razmatranje zahtjeva CK TK i donošenje Odluke o odobravanju sredstava za sufinansiranje organizacije 24. kantonalnog takmičenja ekipa Crvenog križa u pružanju prve pomoći;
- Razmatranje zahtjeva CK TK i donošenje Odluke o odobravanju sredstava za sufinansiranje organizacije 20. takmičenja učenika osnovnih škola iz programa „Upozoravanje na opasnost od mina“;
- Razmatranje prijedloga i donošenje Odluke o raspodjeli sredstava posebne naknade u 2017. godini, kao pomoć općinama za saniranje dijela šteta nastalih prirodnom ili drugom nesrećom i
- Razmatranje Informacije o NATO EADRCC terenskoj vježbi odgovor na katastrofe „Bosna i Hercegovina 2017“.

O svim materijalima, koji su bili na dnevnom redu sjednica Kantonalnog štaba, prije nego što su donijeti adekvatni akti po istim, vođena je kvalitetna i konstruktivna rasprava nakon koje se odlučivalo izjašnjavanjem putem glasovanja u skladu sa zakonskim propisima i Poslovníkom o radu Kantonalnog štaba.

Sva akta donesena na sjednicama Kantonalnog štaba odmah su prosljeđena subjektima na koje se odnose.

U periodu od 25. do 29.09.2017. godine, na području TK, održana je i provedena terenska vježba upravljanja katastrofama „Bosna i Hercegovina 2017“, koju su zajedno izveli NATO Euroatlanski centar za koordinaciju odgovora na katastrofe (EADRCC) i Ministarstvo sigurnosti BiH.

Većina članova Kantonalnog štaba, njih 8, aktivno su učestvovali u aktivnostima i provođenju vježbe, i to kroz tijela:

1. LEMA Centar - nadležni štab civilne zaštite sa svojim zakonom propisanim nadležnostima za angažovanje, koordinaciju i komandovanje domaćim nacionalnim snagama i nadležnošću rukovođenja, usmjeravanja, koordinacije i upravljanja međunarodne pomoći (učestvovali: komandant Kantonalnog štaba Hasan Fehratović sa 6 članova Kantonalnog štaba i sekretar Kantonalnog štaba) i
2. DISTAFF - direktorat vježbe, tijelo koje upravlja i kontroliše izvođenje vježbe (učestvovao načelnik Kantonalnog štaba, Dragan Pelemiš).

Svrha vježbe je bilo, unaprijeđenje koordinacije i saradnje svih snaga u toku trajanja katastrofa, jačanje državnih sposobnosti zemalja članica NATO-a i partnerskih zemalja, kao i jačanje sposobnosti Bosne i Hercegovine, za primanje međunarodne pomoći i efikasno organizovanje i koordinaciju operacija upravljanja posljedicama katastrofe u kojima učestvuju međunarodni timovi za odgovor na katastrofu.

### **III FINANSIJSKI IZVJEŠTAJ**

U skladu sa zakonskim odredbama Kantonalna uprava civilne zaštite sačinjava Izvještaj o korištenju sredstava posebne naknade za zaštitu i spašavanje za prethodnu budžetsku godinu i isti nakon razmatranja na Kantonalnom štabu civilne zaštite dostavlja Vladi kantona na usvajanje.

#### **Pregled planirane i ostvarene potrošnje sredstva posebne naknade u 2017. godini**

Na osnovu usvojenog Plana korištenja sredstava posebne naknade za zaštitu i spašavanje od prirodnih i drugih nesreća u 2017. godini, broj: 18/01-14-008282/17 od 27.03.2017. godine, u kome je u skladu sa zakonskim odredbama planiran ukupan iznos sredstava posebne naknade u iznosu od 2.500.000,00 KM.

Potrošnja sredstava posebne naknade za zaštitu i spašavanje vršena je u skladu sa navedenim planom a na osnovu odluka Kantonalnog štaba i ista je iskazana u tabeli broj 1.

Tabela 1: Pregled planirane i ostvarene potrošnje sredstava Posebne naknade u 2017. godini

KONTO	NAZIV KONTA	PLANIRANA POTROŠNJA (KM)	OSTVARENA POTROŠNJA	
			(KM)	%
<b>610000</b>	<b>I TEKUĆI RASHODI</b>	<b>2.300.000,00</b>	<b>745.692,53</b>	<b>32,42</b>
<b>613000</b>	<b>Izdaci za materijal, sitni inventar i usluge</b>	<b>100.000,00</b>	<b>7.487,53</b>	<b>7,49</b>
613100	Putni troškovi	5.000,00	0,00	
613400	Nabavka materijala i sitnog inventara	20.000,00	6.317,53	31,59
613500	Izdaci za usluge prevoza i goriva	15.000,00	0,00	
613600	Unajmljivanje imovine, opreme i nematerijalne imovine	10.000,00	0,00	
613700	Izdaci za tekuće održavanje	5.000,00	0,00	
613900	Ugovorene i druge posebne usluge	45.000,00	1.170,00	2,60
<b>614000</b>	<b>Tekući transferi i drugi tekući rashodi</b>	<b>1.750.000,00</b>	<b>728.205,00</b>	<b>41,61</b>
614100	Tekući transferi drugim nivoima vlasti	1.600.000,00	710.000,00	44,38
614200	Tekući transferi pojedincima	30.000,00	0,00	
614300	Tekući transferi neprofitnim organizacijama	110.000,00	18.190,00	16,54
614800	Drugi tekući rashodi	10.000,00	15,00	0,15
<b>615000</b>	<b>Kapitalni transferi</b>	<b>450.000,00</b>	<b>10.000,00</b>	<b>2,22</b>
615100	Kapitalni transferi drugim nivoima vlasti	250.000,00	0,00	
615300	Kapitalni transferi neprofitnim organizacijama	50.000,00	10.000,00	20,00
615400	Kapitalni transferi javnim preduzećima	100.000,00	0,00	
615500	Kapitalni transferi privatnim preduzećima i poduzetnicima	50.000,00	0,00	
<b>820000</b>	<b>II KAPITALNI IZDACI</b>	<b>200.000,00</b>	<b>59.340,64</b>	<b>29,67</b>
<b>821000</b>	<b>Nabavka stalnih sredstava</b>	<b>200.000,00</b>	<b>59.340,64</b>	<b>29,67</b>
821300	Nabavka opreme	75.000,00	47.757,64	63,68
821400	Nabavka ostalih stalnih sredstava	50.000,00	0,00	
821500	Nabavka stalnih sredstava u obliku prava	25.000,00	11.583,00	46,33
821600	Rekonstrukcija i investiciono održavanje	50.000,00	0,00	
<b>UKUPNO</b>		<b>2.500.000,00</b>	<b>805.033,17</b>	<b>32,20</b>

Od ukupno planiranih 2.500.000,00 KM ostvarena je ukupna potrošnja od 805.033,17 KM ili 32,20%.

**a) Utrošena sredstva iz tekućeg priliva posebne naknade (PRIHOD 4)**

Tabela 2: Pregled utrošenih sredstava Posebne naknade iz tekućeg priliva u 2017. godini, po kontima

KONTO	NAZIV KONTA	OSTVARENA POTROŠNJA (KM)
<b>614000</b>	<b>Tekući transferi i drugi tekući rashodi</b>	<b>128.205,00</b>
614100	Tekući transferi drugim nivoima vlasti	110.000,00
614300	Tekući transferi neprofitnim organizacijama	18.190,00
614800	Drugi tekući rashodi	15,00
<b>615000</b>	<b>Kapitalni transferi</b>	<b>10.000,00</b>
615300	Kapitalni transferi neprofitnim organizacijama	10.000,00
<b>U K U P N O</b>		<b>138.205,00</b>

**614100 – Tekući transferi drugim nivoima vlasti = 110.00,00 KM**, utrošeno je na slijedeći način:

- **Općini Doboj Istok** odobrena su sredstva u iznosu **60.000,00 KM** za otklanjanje posljedica nastalih tokom trajanja prirodne nesreće izazvane poplavama i klizištima u periodu od 08.03. do 16.03.2017. godine (Odluka Kantonalnog štaba broj: 02/24-14-009233-2/17 od 11.04.2017. godine).
- **Općini Kladanj** odobrena je isplata novčanih sredstva u iznosu **50.000,00 KM**, i to: 20.000,00 KM za hitne intervencije u toku djelovanja prirodne nesreće (Odluka Kantonalnog štaba broj: 02/24-14-013000-2/17 od 23.05.2017. godine) i 30.000,00 KM za otklanjanje posljedica prirodne nesreće izazvane visokim sniježnim padavinama i niskim temperaturama, u periodu od 21.04.2017. godine do 03.05.2017. godine (Odluka Kantonalnog štaba broj: 02/24-14-020254-6/17 od 28.08.2017. godine)

**614300 - Tekući transferi neprofitnim organizacijama = 18.190,00 KM**, utrošeno je za:

- **Crveni križ Tuzlanskog kantona**, kojem su dodijeljena sredstva u ukupnom iznosu **16.200,00 KM**, i to 2.870,00 KM za sufinansiranje troškova nastalih prilikom organizacije 24. Kantonalnog takmičenja ekipa crvenog križa u pružanju prve pomoći (Odluka Kantonalnog štaba broj: 02/24-14-009233-4/17 od 11.04.2017. godine), 11.810,00 KM za sufinansiranje pripreme i učešća Crvenog križa Tuzlanskog kantona u NATO EADRCC vježbi „Bosna i Hercegovina 2017“ (Odluka Kantonalnog štaba broj: 02/24-14-020254-4/17 od 28.08.2017. godine) i 1.520,00 KM za sufinansiranje troškova nastalih prilikom organizacije 20. kantonalnog takmičenja učenika osnovnih škola iz programa „Upozoravanje na opasnost od mina“ (Odluka Kantonalnog štaba broj: 02/24-14-026789-4/17 od 07.11.2017. godine).
- **Ronilački klub „Vidara“ Gradačac** (Služba za zaštitu i spašavanje na vodi i pod vodom Tuzlanskog kantona) odobrena su novčana sredstva u iznosu **990,00 KM** za pokrivanje troškova pripreme i učešća u NATO EADRCC vježbi „Bosna i Hercegovina 2017“ (Odluka Kantonalnog štaba broj: 02/24-14-026789-3/17 od 07.11.2017. godine).

- **Udruženje građana „Gorska služba spašavanja“ Srebrenik** (Gorska služba spašavanja Tuzlanskog kantona) odobrena su novčana sredstva u iznosu **1.000,00 KM** za sufinansiranje troškova pripreme i učešća u NATO EADRCC vježbi „Bosna i Hercegovina 2017“ (Odluka Kantonalnog štaba broj: 02/24-14-026789-2/17 od 07.11.2017. godine).

**614800 - Drugi tekući rashodi = 15,00 KM**, utrošeno je za povrat pogrešne uplate Forić Salihu iz Brke, po Rješenju Ministarstva finansija broj: 07/1-15-10167-1/17 od 27.03.2017. godine.

**615300 – Kapitalni transferi neprofitnim organizacija = 10.000,00 KM**, utrošeno je:

- Ronilačkom klubu „Vidara“ Gradačac (Služba spašavanja na vodi i pod vodom Tuzlanskog kantona) dodijeljena su novčana sredstva u iznosu 5.000,00 KM za nabavku opreme i tehničkih sredstava, u skladu sa Ugovorom o međusobnim pravima i obavezama broj: 18/01-44-011775/15 od 15.04.2015. godine, a po osnovu Odluke Kantonalnog štaba broj: 02/24-14-020254-3/17 od 28.08.2017. godine;
- Udruženju građana „Gorska služba spašavanja“ (Služba spašavanja sa visina Tuzlanskog kantona) dodijeljena su novčana sredstva u iznosu 5.000,00 KM za nabavku opreme i tehničkih sredstava u skladu sa Ugovorom o međusobnim pravima i obavezama broj: 18/01-44-010489/15 od 28.04.2015. godine, a po osnovu Odluke Kantonalnog štaba broj: 02/24-14-020254-2/17 od 28.08.2017. godine.

#### b) Utrošena sredstva iz neutrošenih sredstava posebne naknade (PRIHOPS)

Tabela 3: Pregled utrošenih sredstava posebne naknade iz dijela neutrošenih sredstava iz prethodnih godina

KONTO	NAZIV KONTA	OSTVARENA POTROŠNJA (KM)
<b>613000</b>	<b>Izdaci za materijal, sitni inventar i usluge</b>	<b>7.487,53</b>
613400	Nabavka materijala i sitnog inventara	6.317,53
613900	Ugovorene i druge posebne usluge	1.170,00
<b>614000</b>	<b>Tekući transferi i drugi tekući rashodi</b>	<b>600.000,00</b>
614100	Tekući transferi drugim nivoima vlasti	600.000,00
<b>821000</b>	<b>Nabavka stalnih sredstava</b>	<b>59.340,64</b>
821300	Nabavka opreme	47.757,64
821500	Nabavka stalnih sredstava u obliku prava	11.583,00
<b>U K U P N O</b>		<b>666.828,17</b>

**613400 - Nabavka materijala i sitnog inventara = 6.317,53 KM** utrošeno je za nabavku uniformi civilne zaštite za potrebe Kantonalnog štaba civilne zaštite i Kantonalnog operativnog centra civilne zaštite, 20 kompleta, na osnovu Odluke Kantonalnog štaba broj: 02/24-14-013000-7/17 od 23.05.2017. godine.

**613900 – Ugovorene i druge posebne usluge = 1.170,00 KM** utrošeno je za obuku za korištenje geografskog informacionog sistema GIS za procjenu rizika i upravljanje vanrednim situacijama, na osnovu Odluke Kantonalnog štaba broj: 02/24-14-013000-6/17 od 23.05.2017. godine.

**614100 – Tekući transferi drugim nivoima vlasti = 600.00,00 KM**, dodijeljeno je kao pomoć općinama/gradu za saniranje dijela šteta nastalih prirodnom ili drugom nesrećom, na osnovu Odluke Kantonalnog štaba broj: 030723-2/17 od 14.12.2017. na slijedeći način:

1. Općini Banovići (Sanacija korita potoka Dubokovac i potok Bakovački) .....	45.000,00 KM
2. Općini Čelić (Regulacija potoka Humačica) .....	45.000,00 KM
3. Općini Doboj Istok (Regulacija potoka „Rijeka“ - I faza) .....	50.000,00 KM
4. Općini Gračanica (Izgradnja mosta u MZ Lukavica) .....	50.000,00 KM
5. Općini Gradačac (Hitna sanacija 10 klizišta) .....	53.175,00 KM
6. Općini Kalesija (Sanacija klizišta „Lipovice“) .....	50.000,00 KM
7. Općini Kladanj (Regulacija površinskih voda u naselju Prijanovići, sanacija klizišta Gojsalići-Starić, i sanacija klizišta kod Djevojačke pećine) .....	50.000,00 KM
8. Općini Lukavac (Izrada Glavnog projekta uređenja korita potoka Ugar i Lukavčić i rijeke Turije) .....	45.000,00 KM
9. Općini Sapna (Sanacija klizišta u MZ Nezuk I) .....	53.000,00 KM
10. Općini Srebrenik (Izrada projektne dokumentacije za sanaciju klizišta: Ljenobud, Ormanica, Lisovići, Strančevica, sanacija klizišta u naselju Kuge i Seona, sanaciju korita Kugičkog potoka, sanaciju puta Zubovo Brdo i sanacija mosta u Špionici Srednja) .....	38.825,00 KM
11. Općini Teočak (Sanacija klizišta na asfaltnom putu za Jasikovac i klizišta na putu za Softiće) .....	30.000,00 KM
12. Gradu Tuzla (Izrada projektne dokumentacije za sanaciju padine Rasovac u MZ Tušanj i za klizište u MZ Brčanska Malta) .....	45.000,00 KM
13. Općini Živinice (Sanacija klizišta u MZ Lukavica G. - Živinice) .....	45.000,00 KM

**821300 – Nabavka opreme = 47.757,64 KM, utrošeno je za:**

- Sredstva u iznosu **40.833,00 KM** za nabavku **terenskog motornog vozila** za potrebe Kantonalnog štaba civilne zaštite, na osnovu Odluke Kantonalnog štaba broj: 02/24-14-013000-5/17 od 23.05.2017. godine;
- Sredstva u iznosu **926,64 KM** za nabavku **četiri kancelarijske fotelje** za potrebe Kantonalnog operativnog centra civilne zaštite, na osnovu Odluke Kantonalnog štaba broj: 02/24-14-016762-4/17 od 04.07.2017. godine;
- Sredstva u iznosu **5.998,00 KM** za nabavku **dva kompleta ronilačke opreme** za potrebe Kantonalnog štaba civilne zaštite, na osnovu Odluke Kantonalnog štaba broj: 02/24-14-016762-3/17 od 23.05.2017. godine;

**821500 – Nabavka stalnih sredstava u obliku prava = 11.583,00 KM, utrošeno je za:**

- Sredstva u iznosu **5.733,00 KM** za nabavku softvera za geografski informacioni sistem GIS za procjenu rizika i upravljanje vanrednim situacijama, na osnovu Odluke Kantonalnog štaba broj: 02/24-14-013000-6/17 od 23.05.2017. godine;
- Sredstva u iznosu **5.850,00 KM** za nabavku usluge **izrade projektne dokumentacije „Sistem uzbunjivanja i obavještanja stanovništva na području Tuzlanskog kantona“**, na osnovu Odluke Kantonalnog štaba broj: 02/24-14-013000-4/17 od 23.05.2017. godine;

#### **IV ZAKLJUČNA RAZMATRANJA**

Na osnovu detaljne analize aktivnosti koje su vođene od strane Kantonalnog štaba u 2017. godini, može se zaključiti da je Kantonalni štab u potpunosti ostvario svoju zakonom utvrđenu funkciju u sistemu zaštite i spašavanja Tuzlanskog kantona.

Kantonalni štab je u 2017. godini održao ukupno 9 redovnih i 2 vanredne sjednice, te nekoliko konsultativnih radnih sastanaka komandanta i načelnika štaba.

Ostvarena je dobra saradnja sa općinskim štabovima civilne zaštite, Kantonalnom komisijom i općinskim komisijama za procjenu šteta, odnosno Kantonalnom upravom civilne zaštite.

Dostaviti:

- Vladi Tuzlanskog kantona
- KUCZ TK
- Evidencija
- Arhiva

KOMANDANT

Hasan Fehratović